

Poziv za izražavanje interesa za privremene asistente

01.08.2016 12:17



Broj: 07-34-306/16

Datum: 01.08.2016. godine

POZIV ZA IZRAŽAVANJE INTERESA

Kredit br. IDA 5188-BA

Projekt ID# P128950

Bosna i Hercegovina/Federacija Bosna i Hercegovina je dobila kredit od Međunarodne asocijacije za razvoj (International Development Association - IDA) za Projekt registracije nekretnina i namjerava da iskoristi dio ovog kredita za plaćanja po ugovoru za obavljanje poslova na Projektu registracije nekretnina za radno mjesto:

- Privremeni asistent na poslovima ažuriranja i zamjene/uspostave zemljišnih knjiga -

- U Općinskom sudu u Tuzli – 4 (četiri) izvršioca
- U Općinskom sudu u Čapljini – 1 (jedan) izvršioc

Federalna uprava za geodetske i imovinsko-pravne poslove i Jedinica za implementaciju Projekta registracije nekretnina ovim putem pozivaju kandidate da izraze svoj interes za pružanje usluga za gore navedeno radno mjesto.

Opis radnog zadatka:

Rad na poslovima ažuriranja odnosno zamjene i uspostave zemljišne knjige po podacima novog premjera u zemljišnoknjižnim uredima Općinskih sudova u Tuzli i Čapljini.

Potrebne kvalifikacije:

- Pravni fakultet, VII stepen stručne spreme
- Poznavanje rada na računaru, MS Office programi
- Najmanje 1 (jedna) godina radnog iskustva na poslovima sa visokom stručnom spremom,
- Položen ispit općeg znanja, stručni ili pravosudni ispit,
- Prednost imaju kandidati sa prethodnim iskustvom u radu zemljišnoknjižnog ureda

Odabir kandidata će se izvršiti putem testiranja, sadržanog od pismenog i usmenog dijela, a isto će se provesti u navedenim Općinskim sudovima. Pismeni dio testiranja sadržavat će pitanja iz oblasti Zakona o zemljišnim knjiga („Službene novine Federacije BiH“, broj: 19/03, 54/04), Zakona o stvarnim pravima („Službene novine Federacije BiH“, broj: 66/13, 100/13) i Pravilnika o postupanju u zemljišnoknjižnim stvarima („Službene novine Federacije BiH“, broj: 5/03).

Nakon izvršenog odabira, kandidati će polagati ispit za zemljišnoknjižnog referenta, a uspješno položen navedeni ispit će biti uslov za potpisivanje ugovora i početak rada privremenih asistenata. Za sve odabrane kandidate koji pristupe i polože ispit za zemljišnoknjižnog referenta, polaganje ispita će biti plaćeno iz sredstava Projekta registracije nekretnina.

Očekivani početak rada u zemljišnoknjižnom uredu Općinskog suda u Čapljini je septembar 2016. godine, a u Općinskom sudu u Tuzli novembar 2016. godine. Rok završetka posla zavisi od broja zaprimljenih prijavnih listova u općinskom sudu. Rad će se odvijati u prostorijama zemljišnoknjižnog ureda, a u skladu sa standardnim radnim vremenom općinskog suda. Radno vrijeme će biti odobreno i dogovoreno sa predsjednikom suda i rukovodiocem zemljišnoknjižnog ureda. Privremeni asistenti će biti odabrani u skladu sa procedurama Svjetske banke objavljenim u priručniku: „Selekcija i zapošljavanje konsultanata od strane zajmoprimca Svjetske banke“, januar 2011.g.

Zainteresovani kandidati su dužni da dostave dokumentaciju (originale ili ovjerene kopije) kojom potvrđuju da ispunjavaju potrebne kvalifikacije, navedene u Pozivu za izražavanje interesa. Izrazi

interesovanja i potrebna dokumentacija sa biografijom moraju biti dostavljeni najkasnije 15 dana od dana objave u dnevnim novinama (Dnevni avaz), na adrese:

- Za Općinski sud u Tuzli, prijave na adresu: OPĆINSKI SUD U TUZLI, Ul. Maršala Tita br. 137, 75000 Tuzla
- Za Općinski sud u Čapljini, prijave na adresu: OPĆINSKI SUD U ČAPLJINI, Rudera Boškovića bb, 88 300 Čapljina

Neblagovremene i nepotpune prijave neće biti uzete u razmatranje.

Za sve dodatne informacije možete se obratiti i na sljedeću adresu: Federalna uprava za geodetske i imovinsko-pravne poslove, Jedinica za implementaciju Projekta registracije nekretnina, Marka Marulića 2, 71000 Sarajevo, Bosna i Hercegovina, Tel: + 387 33 586-063 i 586-064, Fax: +387 33 586-067, E-mail: rerp_fbih@fgu.com.ba